



DET KONGELEGE
JUSTIS- OG BEREDSKAPSDEPARTEMENT

Valle kommune
Postboks 4
4747 VALLE

Dykkar ref.
2014/251-11

Vår ref.
17/3059

Dato
24.05.2017

X30

Vedrørende klage frå Valle kommune på Politidirektoratet si avgjerd om lokal struktur i Agder politidistrikt

Justis- og beredskapsdepartementet viser til klage frå Valle kommune av 8. mars 2017. Vidare vert det vist til Politidirektoratet si avgjerd av 13. januar 2017 om endringar i lokal struktur i politidistriktet for Valle kommune.

Politidirektoratet har i brev av 24. mars 2017 til Valle kommune og med kopi til Agder politidistrikt og Justis- og beredskapsdepartementet, avvist klagen med å visa til «Forskrift om klageordning for kommuner som berøres av ny tjenestestedsstruktur i politi- og lensmannsetaten» av 22. juni 2016 § 3.

Politidirektoratet har grunngjeve avvisinga mellom anna med at klagen frå Valle kommune omhandlar forhold som ligg utanfor forskrifta sitt verkeområde. Direktoratet har vidare opplyst at Valle kommune ved brev av 9. mars 2017 fekk høve til å endra klagen, slik at vilkåra i § 3 kunne oppfyllest. Valle kommune fekk frist til 16. mars 2017 til å endra klagen. Politidirektoratet har ikkje motteke endra klage frå kommunen innan fristen. Avgjerda vart difor ståande.

I forskrifta § 1 er det fastsett kva klagebehandlinga omhandlar. Dette er:

«Avgjørelser fra Politidirektoratet om endringer i inndelingen i lensmanns- og politistasjonsdistrikter og sammenslåing eller nedleggelse av lensmannskontorer eller

Postadresse
Postboks 8005 Dep
0030 Oslo
0030 Oslo

Kontoradresse
Gullhaug Torg 4a
0484 Oslo

Telefon - sentralbord
22 24 90 90
Org.nr.: 972 417 831

Politiavdelinga
Telefaks
22 24 95 30

Sakshandsamar
Gunnar Johnsen
22 24 53 08
gunnar.johnsen@jd.dep.no

politistasjoner kan påklages til Justis- og beredskapsdepartementet av kommuner som berøres av endringen».

I klagen har Valle kommune mellom anna ført opp:

«Administrasjonsstad i Setesdal lensmannsdistrikt var ikkje ein del av høyringa vedkomande «effektivisering av geografiske driftsenheter, tjenesteenheter og tjenestesteder – Agder politidistrikt»»

«Vi meiner at all den tid Valle har vore administrasjonsstad for Setesdal er det god sakhandsamingsskikk å leggje ei eventuell endring av administrasjonsstad ut på høyring til røde kommunar, før Politidirektoratet tek ei avgjer.»

Departementet oppfattar at dei klagegrunnane som er ført opp gjeld administrasjonsstaden i Setesdal lensmannsdistrikt. Dette fell utanfor denne klageordninga.

Med bakgrunn i dette, er Justis- og beredskapsdepartementet einig i Politidirektoratet si vurdering av at klagen må avvistas.

Politidirektoratet si avgjerd om avvising, jf. brev av 24. mars 2017, av klagen frå Valle kommune av 3. mars 2017, vert med dette stadfesta.

Ein kopi av dette brevet er sendt Politidirektoratet til orientering.

Med venleg helsing

Thor Arne Aass
ekspedisjonssjef

Sven Olav Gunnerud
avdelingsdirektør

Dokumentet er godkjent og blir sendt utan signatur

Kopi til
Politidirektoratet